

aðrar fyrirhuguðu breytingar á kalli þessu fá framgang, einkanlega að Munkaþverársókn 3
verði lögð til þess, hvort sem fremsti hluti Lögmannshlíðarsóknar fylgir þar með eða ekki. 18. jan.

— **Brjef landshöfðingja til póstmeistara um drátt á póstsendingum.** — Eptir að 4
jag hefi meðtekið þóknanlegt álit yðar, herra póstmeistari, um erindi, þar sem útgefandi 21. jan.
blaðsins «Fróða» á Akureyri fer fram á, að fá 50 kr. í skaðabætur fyrir það, að skildir
voru eptir á pósthúsinu á Akureyri í aprilmánuði í vor, er leið, sökum ófærðar, 24
böggjar af prentuðu máli í krossbandi og 15 böggulsendingar, alls 37 pd. að þyngd, —
vil jeg tjá yður það, er nú segir, til þóknanlegrar leiðbeiningar og birtingar fyrir
hlutaðeigöndum.

Í 13. gr. 3. a. auglýsingar um póstmál frá 3. maí 1872 er tekið fram, að
flutningur böggulsendinga með hinum fyrsta pósti, eptir að þeim er skilað, sje kominn
undir því, að þeim verði komið fyrir í póstinum, og með því að það er ljóst af skjöl-
um málsins, að pósturinn í það sinni, er hjer ræðir um, varð ekki fluttur öðruvísi en
með gangandi mönnum, og að þeir menn, er ráðnir voru til að bera póstin, gátu ekki
flutt annað en brjefasendingar, virðist kærandi enga lagaástæðu hafa til að krefjast
skaðabóta fyrir þær böggulsendingar, er eptir urðu af póstinum við hið nefnda tækifæri.
Nokkuð öðru máli er að skipta um krossbandssendingar þær, er ekki komust með
póstinum, því slíkar sendingar teljast samkvæmt 8. grein pósttilskipunarinnar frá 26.
febr. 1872 með brjefasendingum, er senda skal skilmálalaust með fyrsta pósti; en með
því hvorki 13. grein tilskipunar 26. febr. 1872 nje 22. grein auglýsingar 3. maí 1872
inniheldur neina ákvörðun um skaðabótaábyrgð póststjórnarinnar á drætti þeim, er
kynni að verða á að senda brjefasendingar, og með því að þjer, herra póstmeistari,
hafið áminnt hlutaðeigandi póstafræiðslumann um, að skilja ekki eptirleiðis brjef-
sendingar eptir, verð jeg að fela kærandanum sjálfum að fylgja fram skaðabótakröfu
sinni.

A u g l ý s i n g.

5

Samkvæmt 10. gr. C. 4. fjárlaganna fyrir árin 1882 og 1883, dags. 4. nóvbr. 1881, 25. jan.
skal af 20000 kr. styrk þeim, sem veittur er fyrir hvort árið um sig til eflingar búnaði,
úthluta helmingnum til sýslunefnda og bæjarstjórna, að hálfu eptir fólksfjölda og að
hálfu eptir samanlagðri tölu jarðahundraða og lausafjrhundraða; en hinum helmingi
fjárins skal úthlutað eptir tillögum amtsráðanna að hálfu milli búnaðarfjelaga og
búnaðarsjóða.

Árið 1882 koma því til úthlutunar eptir tillögum sýslunefnda þeirra og bæjar-
stjórna, sem hlut eiga að máli, upphæðir þær, er senn skal greina, og hafa fasteignar-
hundruðin, þá er upphæðir þessar voru reiknaðar út, verið talin samkvæmt jarðabók-
inni 1861, lausafjrhundruðin samkvæmt skattreikningunum fyrir árið 1880 og fólks-
fjöldinn eptir bráðabirgðayfirliti yfir manntalið 1. oktbr. 1880, sem samið var hjer á
landi, áður en manntalsskýrslurnar voru sendar út. Upphæðin til hvers sýslu- eða
bæjarfjelags um sig er sett svo, að á tug standi, en við úthlutunina 1883 mun verða
til þess litið, að sljetta úr ójöfnuði þeim, sem þetta veldur hverju sýslu eða bæjar-
fjelagi um sig:

5
25. jan.

| Sýslu- og bæjarfjölög. | Lausatje í fardögum 1880. hndr. | Fasteign eptir jarðabók. 1861. hndr. | Manntal. | Upphæð. kr. |
|--|---------------------------------|--------------------------------------|----------|-------------|
| 1. Austur-Skaptafellssýsla | 1314,0 | 1013,5 | 1274 | 170 |
| 2. Vestur-Skaptafellssýsla | 2787,5 | 2049,5 | 2230 | 320 |
| 3. Rangárvallasýsla | 5318,0 | 7468,4 | 5360 | 810 |
| 4. Árnessýsla | 5452,5 | 8606,8 | 6257 | 920 |
| 5. Vestmannaeyjasýsla | 115,0 | 389,5 | 557 | 60 |
| 6. Gullbringu- og Kjósarsýsla | 1999,2 | 4821,5 | 5660 | 630 |
| 7. Reykjavíkur kaupstaður | 243,5 | 355,5 | 2567 | 200 |
| 8. Borgarfjarðarsýsla | 1714,3 | 3747,4 | 2598 | 370 |
| 9. Mýrasýsla | 2068,5 | 3286,2 | 2328 | 350 |
| 10. Snæfellsness- og Hnappadalssýsla | 1987,5 | 4261,7 | 3272 | 440 |
| 11. Dalasýsla | 2122,5 | 3692,6 | 2357 | 360 |
| 12. Barðastrandarsýsla | 1566,0 | 3877,2 | 2857 | 380 |
| 13. Ísafjarðar kaupstaður | 82,0 | 14,4 | 520 | 40 |
| 14. Ísafjarðarsýsla | 2152,8 | 3678,7 | 5031 | 550 |
| 15. Strandasýsla | 1333,5 | 1554,2 | 1861 | 230 |
| 16. Húnavatnssýsla | 5478,5 | 7209,4 | 5025 | 790 |
| 17. Skagafjarðarsýsla | 4672,5 | 7667,9 | 4599 | 740 |
| 18. Eyjafjarðarsýsla | 4137,0 | 7901,0 | 4613 | 740 |
| 19. Akureyrar kaupstaður | 102,0 | 12,3 | 713 | 50 |
| 20. Suður-Pingeyjarsýsla | 3081,0 | 5191,6 | 3767 | 550 |
| 21. Norður-Pingeyjarsýsla | 1311,0 | 1840,8 | 1569 | 220 |
| 22. Norður-Múlasýsla | 4347,0 | 4159,0 | 3825 | 560 |
| 23. Suður-Múlasýsla | 3860,5 | 3866,0 | 3603 | 520 |
| Samtals | 57246,3 | 86665,1 | 72443 | 10000 |

Um leið og jeg kunngjöri þetta, skora jeg hjer með á sýslunefndir þær og bæjarstjórnir, er hlut eiga að máli, að senda mjer innan ársloka tillögur sínar um, hversu verja skuli samkvæmt ákvæðum fjárlaganna upphæð þeirri, er hverju sýslu- eða bæjarfjelagi er ætlað eptir því, sem að framan er skráð, um árið 1882. Þá er tillögurnar svo eru samþykktar, mun upphæð hverri verða ávísað til útborgunar úr landssjóði.

Landshöfðinginn yfir Íslandi, Reykjavík 25. janúar 1882.

Hilmar Finsen.

Jón Jónsson.

6 — Brjef landshöfðingja til stiptsyfirvaldanna um lagasafn. — Með brjefi dags. 2. sept. f. á. sendu stiptsyfirvöldin mjer með meðmælum sínum erindi frá alþingismönnum Jóni ritstjóra Ólafssyni og Jóni landritara Jónssyni, þar er þeir sækja um, að af þeim 12000 kr., sem veittar eru í 16. gr. fjárlaganna fyrir 1882 og 1883 til eflingar vísindalegum og verklegum fyrirtækjum, verði sjer veittur styrkur til að gefa út safn af gildandi lögum fyrir land þetta, sem þeir ætla að laga að miklu leyti eptir safni því af gildandi lögum í Danmörku, sem innanríkis-stjórnin hefir látið gefa út, og ætla þeir að byrja, eins og þar er gjört, á að gefa út lagaboðin frá hinum síðustu áratugum á undan hinum eldri lögum. Til hverrar arkar af safni þessu hefi jeg veitt 25 króna styrk, þó svo að styrkurinn fari ekki alls fram úr 200 kr. fyrir hvort af árunum 1882 og 1883.

Þetta tjái jeg stiptsyfirvöldunum til þóknanlegrar leiðbeiningar, og svo að þau birti þeim það, er hlut eiga að máli.